

KALATAS

OPISYAL NA PAHAYAGAN NG REBOLUSYUNARYONG MAMAMAYAN
NG TIMOG KATAGALUGAN

TOMO 32 BLG. 1

Basahin at Talakayin

Enero - Marso 2004

Lumalawak ang paglaban ng mamamayan sa militarisasyon sa Mindoro



Philippines. Paparami rin ang nananawagan sa pagpapalayas sa pasistang 204th Brigade sa isla ng Mindoro.

Sa higit sa kalahating buwan na brigadang operasyon ng AFP sa Paluan, Occidental Mindoro noong Enero, dinanas ng mga taga roon mula sa kamay ng militar ang maghapong mabilad sa init ng araw, wasakin ang bahay at pagnakawan, hubaran at paakyatin sa punong-kahoy at kulatahin at pasukan sa puwit ng dulo ng baril. Binastos ang mga kababaihan. Daan-daang mga katutubong Mangyan ang pansamantalang lumikas. Binagtas nila ang mas malayo at mahirap na mga lagusan upang iwasan ang haplit ng operasyong militar at makarating sa sentrong bayan ng Paluan.

Umaani ng papalawak na suporta ng mamamayan ang paglaban sa walang kasinglupit na militarisasyon sa Mindoro. Paparami ang kumikilos para ilantad, tutulan at itaboy ang militar na nag-ooperasyon sa isla. Hindi kailanman ganap na nasupil ng karumal-dumal na kalupitan ng mga nag-operasyong militar ang paghihimagsik ng mamamayan.

Libu-libo ang sumasama sa mga martsa-rali na kumukundena sa pamamaslang at iba pang paglabag sa karapatang pantao ng berdugong Armed Forces of the

Ngunit hindi natinag ng anumang dahas ang kanilang kapasyahang ilantad, batikusin at labanan ang mga pang-aabusong ginawa sa kanila ng pasistang tropa. Aktibong nakipagtulungan ang mga biktima sa mga tagapagtaguyod ng karapatang pantao. Mahigpit silang nakipag-ugnayan at mainit na sumalubong sa KARAPATAN-Southern Tagalog.

Nananatili rin ang karumal-dumal na estilo ng

Sundan sa kasunod na pahina ►

EDITORIAL

NI LALAMAN

- 1 Editorial: Lumalawak ang paglaban ng mamamayan sa militarisasyon sa Mindoro
- 3 Sistematikong pandarahas
- 5 Patuloy ang pagsulong ng armadong pakikibaka sa TK
- 8 Dumarami ang mga sapilitang nagsisilikas sa Mindoro
- 9 Para sa mga Mindoreno, bayani ang mga tagapagtaguyod ng karapatang pantao
- 10 Ang mapait na kalagayan ng magsasaka sa tubuhan
- 11 Ang hagupit ng semi-proletaryanisasyon sa kanayunan
- 13 Parangal kay Kasamang Arjay
- 15 Labing isang kaaway, patay sa opensiba ng BHB sa Batangas
- 16 Operasyong Isparo sa Quezon, sumusulong
- 17 Balita
- 19 Panitikan
- 20 Tekat-ekal/Krosword

Ang **KALATAS** ang opisyal na pahayagan ng rebolusyunaryong mamamayan ng Timog Katagalugan. Pinapatnubayan ito ng Marxismo-Leninismo-Maoismo. Inilalathala ito ng Partido Komunista ng Pilipinas (MLM) at ng Bagong Hukbong Bayan ng Timog Katagalugan.

Inaanyayahan ng Pamatnugutan ang mga mambabasa na mag-ambag sa pagpapahusay ng ating pahayagan. Magpadala ng mga komentaryo at mungkahi, balita at rebolusyunaryong karanasan na maaaring ilathala sa ating pahayagan.

Maaaring makuha ang pinakahuling isyu ng ating pahayagan sa internet. Magtungo sa

http://www.geocities.com/kalatas_st/index.html

Tumatanggap din ng mga liham sa

kalatas_st@yahoo.com

◀Mula sa nakaraang pahina

pamamaslang ng berdugong AFP sa mga tagapagtaguyod ng karapatang pantao at sa mga lider at miyembro ng mga progresibong party-list. Tampok dito ang pagpaslang noong Pebrero kina Vice Mayor Juvy Magsino at Leyma Fortu, mga tagapagtaguyod ng karapatang pantao sa Oriental Mindoro. Ibayong pagkasuklam sa berdugong 204th Brigade ang ipinakita ng aabot sa limang libo-kataong nagmartsa noong ilibing ang dalawa.

Hindi nagbago ang tindi ng teroristang atake at pandarahas ng AFP at PNP sa Timog Katagalugan kahit na may nagaganap na prosesong pangkapayapaan sa pagitan ng Gubyerno ng Pilipinas at National Democratic Front of the Philippines (NDFP). Mas nagiging walang pakundangan at mabangis ito habang papalapit ang eleksyon sa Mayo 14. Matindi ang panunupil ni Gloria Arroyo sa kanyang mga kritiko upang maisalba ang kanyang presidensyal na ambisyon.

Masasalamang sa mga pangyayari sa Mindoro ang lupit at pasistang teror na dulot ng kontra-rebolusyunaryong digmang inilulunsad ng rehimeng US-Arroyo sa rehiyong Timog Katagalugan. Maisasalarawan din dito ang magiting na paglaban ng mga katutubong Mangyan at ng masang Mindoreno tulad ng paglaban ng sinumang inaaping mamamayan sa buong bansa. Bigo at inutil ang rehimeng US-Arroyo na lubusang masupil ang mamamayan at rebolusyunaryong kilusan sa Mindoro. Pinatunayan ito sa isang matagumpay na taktikal na opensiba ng Bagong Hukbong Bayan laban sa 19th Special Forces Coy sa Bongabong, Oriental Mindoro noong Enero 25.

Anuman ang gawin ng pasistang rehimen, umaani ng mas malawak na opinyong publiko, suporta at pagsimpatya mula sa iba't ibang dako ng bansa ang magiting na pakikibaka ng masang Mindoreno. Dahil dito, kinakailangan ng aping mamamayan ng Mindoro at ng buong Timog Katagalugan na higit na magpunyagi at puspusang makipaglaban sa sistematiko at pambansang panunupil na buong kahibangang inilulunsad ng rehimeng US-Arroyo.

Nahahawan din ang higit na maluwag na landas sa

Sundan sa kasunod na pahina ▶




Sistematikong pandarahas

Desperadong hakbang ng naghihingalong rehimen

Nagpapatuloy at lalo pang pinatitindi ng Rehimeng US-Arroyo ang kontra-rebolusyunaryong digmang inilulunsad nito sa isla ng Mindoro at sa buong rehiyon ng Timog Katagalugan. Walang pakundangan ang paglulunsad ng Armed Forces of the Philippines (AFP) ng malagim at brutal na operasyong militar. Lalong dumarami ang mga kaakibat nitong paglabag sa karapatang pantao.

Sinasalamin ng lagim na ito ang mga operasyong militar na inilunsad ng AFP sa Paluan, Occidental Mindoro mula noong ika-14 ng Enero at nagpatuloy hanggang sa buwan ng Pebrero. Umabot sa mahigit sa 2,000 tropang militar mula sa Special Operations Command (SOCOM) na binubuo ng mga *elite* na tropa ng AFP, Philippine Army, Navy at Air Force ang nagsagawa ng mabangis na operasyon sa lugar. Gumamit ang AFP ng mga makabagong kagamitang militar tulad ng *helicopter gunship*, *spy plane* (eroplanong pang-espiya o paniktik), tangke at *night vision goggles*. Dalawang barko rin ng Philippine Navy ang pinagpatrulya sa kalapit na baybayin.

Hibang na tinangka ng AFP na pinsalain ang umanoy isang malaking yunit ng Bagong Hukbong Bayan (BHB) sa Paluan. Subalit sa kabila ng enggrandeng disenyo na



kanilang inilunsad, walang nahagip ni isang kagawad ng BHB ang kanilang palalong operasyong militar.

At katulad rin ng lahat ng kanilang mga naunang disenyo, mga sibilyan ang pinagbabalingan nila ng kanilang pagkabigong mapinsala ang hukbong bayan. Walang habas ang mga naganap na paglabag sa karapatang pantao sa Paluan. Pinakaapektado rito ang mga residente

Sundan sa kasunod na pahina ►

◀ Mula sa nakaraang pahina

pakikipagkaisang prente sa paparaming pwersa mula sa taong simbahan at mga propesyunal laban sa militarisasyon. Napatunayan na sa nakaraan ang signipikanteng tulong ng mga panggitnang pwersa para mapapuro ang atake ng kaaway sa mamamayan at mga rebolusyunaryong pwersa. Sa ngayon, lumalaki ang pangangailangan na mahigitan pa ang mga nagawa na sa nakaraan at pataasin ang antas ng lahat ng posibleng tulongan, ugnayan at pakikipag-alyansa sa hanay nila. Dapat magsikap ang rebolusyunaryong kilusan na abutin ang pinakamaraming posibleng bilang mula sa mga panggitnang pwersa.

Mayaman ang aral at karanasan ng mamamayang Mindoreno sa matinding pasismo ng estado na maaring mapulot ng lahat ng mamamayan sa rehiyon. Malinaw ang mga kundisyon para higit na papag-alabin ang apoy ng paglaban. Ang bawat pagpatay, pagmamalupit at mga karumal-dumal na krimeng inihahasik ng pasistang AFP at PNP ay aani ng poot at higit na paglaban sa bawat sulok ng kanayunan at lungsod ng Timog Katagalugan. Tungkulin ng rebolusyunaryong kilusan na pamunuan ang napipintong pagsambulat ng naiipong ngitngit ng mamamayan. Lilikha ito ng isang organisadong lakas ng uring pinagsasamantalahan at inaapi para palasapin ng matinding dagok ang rehimen. **K**

◀Mula sa nakaraang pahina

ng mga sityo ng Aglimasan at Talahib sa Barangay Harrison kung saan unang nagpakawala ng pasistang teror ang AFP. Naganap ang maraming insidente ng paglabag sa karapatang pantao tulad ng walang pakundangang panununog at paninira ng kabahayan, pagnanakaw ng mga ari-arian, pagpapaputok, harasment, pambubugbog at pananakit.

Kasama ang 500 pang residente mula sa mga karatig-baryo, naobligang lumikas ang mga taga-Barangay Harrison. Binagtas nila ang iba't ibang mahahaba, mahihirap at tagong daan para makatakas sa kalupitan ng mga militar patungo sa poblasyon ng Paluan. (May kaugnay na lathalain sa pahina 8)

Makailang ulit ding ipinagbawal ng mga militar ang pagpasok ng mga organisasyong nagtatanggol sa karapatang-tao sa Occidental Mindoro. Matagumpay lamang na nakapasok ang mga grupo bunga ng katapangan at pagpupursige ng kanilang mga myembro. Ngunit kahit ang mga ito ay hindi ligtas sa pang-aabuso

ng AFP. Noong Enero 22, hinarang ng mga lalaking nakabonet at nakapatig ang siyam-kataong tim ng KARAPATAN-Southern Tagalog, dalawang kilometro



mula sa tsekpoynt ng 16th Infantry Battalion ng Philippine Army. Sinamsam ang kanilang mga kagamitan

at mga hawak na dokumentasyon ng paglabag sa karapatang pantao sa Paluan at mga karatig-bayan. Kinulata ng armalayt ang dalawang lalaking myembro ng tim.

Matinding paglabag ang mga ito sa mga isinasaad sa Komprehensibong Kasunduan sa Paggalang sa Karapatang Pantao at Internasyunal na Makataong Batas o Comprehensive Agreement on Respect for Human Rights and International Humanitarian Law (CARHRIHL).

Terorismo sa gitna ng usapang pangkapayapaan.

Naganap ang mga paglabag na ito sa CARHRIHL sa gitna ng pagpapanggap ng rehimeng US-Arroyo na seryoso ito sa isinusulong na pakikipag-usap sa Pambansang Demokratikong Prente ng Pilipinas (PDPP o NDFP) para sa kapayapaan. Kunwa'y nagkumahog ang rehimen na maituloy ang negosasyong pangkapayapaang idinaos noong ikalawang linggo ng Pebrero sa Oslo, Norway habang patuloy sa paglabag sa karapatang pantao sa pamamagitan ng mga brutal na paglulunsad ng AFP ng mga operasyong militar sa Mindoro at sa iba pang panig ng rehiyon.

Pinatunayan nito na ginagamit lamang ni Arroyo ang usapang pangkapayapaan upang magpabango, magpanggap at manlinlang para sa darating na eleksyon.

Subalit sa kabila nito, malugod pa ring itinataguyod ng buong rebolusyunaryong kilusan dito sa Timog Katagalugan ang seryosong pagsusulong ng NDFP sa usapang pangkapayapaan alang-alang sa mahigpit na pagpapatupad sa CARHRIHL at pagpapabilis sa pagbubuo ng Joint Monitoring Committee upang mas mahusay na mabantayan ang mga batayang karapatan ng mamamayan.

Terorismo sa panahon ng kampanya

Nitong Pebrero, tatlong aktibistang miyembro ng mga progresibong party-list at nakikibaka laban sa militarisasyon sa Mindoro ang pinaslang. Pebrero 13, pinatay si Juvy Magsino, Vice Mayor ng Naujan, Oriental Mindoro, tumatakbong Mayor at tagapangulo ng Provincial Justice and Peace Council at ang kasama niyang si Leima Fortu, Secretary-General ng Karapatan-Oriental Mindoro. Naganap ang pamamaslang kalahating kilometro lamang mula sa kampo ng 204th Brigade. (May kaugnay na lathalain sa pahina 9)

Wala pang isang linggo matapos ito, Pebrero 18, dinukot at pinaslang ng mga militar si Edrian Alegria, isang aktibistang nangangampanya laban sa militarisasyon sa Mindoro at coordinator ng Anakpawis Party-List. Nito namang Marso 13, ilegal na inaresto si Pedro Bueta,

Sundan sa kasunod na pahina ▶

Patuloy ang pagsulong ng armadong pakikibaka sa TK

(Halaw sa Pahayag ng KHKR-TK sa ika-35 anibersaryo ng Bagong Hukbong Bayan)

Anuman ang gawin ng mga pwersa ng reaksyon di nila masusupil ang armadong rebolusyunaryong pakikibaka sa rehiyong Timog Katagalugan. Paparami ang nag-aambag sa pakikidigmang gerilya dito sa iba't-ibang paraan.

Mula pa sa maagang panahon ng pagpupunla ng



binhi ng mga sona at larangang gerilya dito sa TK, pinakawalan na ng mga nagdaang rehimen ang walang kasing bangis na panunugis sa mga rebolusyunaryong pwersa. Inilunsad dito sa simula ang taktika ng “pagkitil sa usbong” at sa kalauna’y pagkokonsentra ng malaking pasistang tropa sa mga larangang gerilyang prayoridad na durugin ng AFP. Ngunit ang mga imbing pakana na ito ng reaksyunaryong pwersa ay mapagpasyang nabigo sa pamamagitan ng masinsing pakikidigmang gerilya, at puspusan at aktibong depensa ng hukbong bayan laban sa pananalakay ng kaaway. Matuling kumalat na tulad ng apoy ang Bagong Hukbong Bayan sa rehiyon.

Sa kasalukuyan, kumikilos sa mahigit sampung mga larangang gerilya ang ilampung platung gerilya ng hukbong bayan. Sinasaklaw ng mga larangang gerilya ang humigit-kumulang sa 83% ng mga distritong kongresyunal sa 10 probinsya, 60% ng mga bayan at 27% ng kabuuang mga baryo sa rehiyon.

Sundan sa kasunod na pahina ►

◄Mula sa nakaraang pahina

54, organisador ng Anakpawis, sa Brgy Buo, Magdalena, Laguna. Inilitaw lang siya noong Marso 20.

Kinasusuklanan ng AFP ang mga aktibistang naglalantad sa mga pang-aabusong militar at paglabag sa karapatang-tao ng mamamayan at nagtataguyod ng mga progresibo at makamamamayang interes.

Patunay ang lahat ng ito na higit pang lumulupit ang sistematikong pasistang atake ng rehimeng US-Arroyo sa mga rebolusyunaryong pwersa at maging sa mga progresibong pwersa na tumututol sa mala-batas militar na paghahari nito. Nakahanda ang rehimen na gawin ang lahat maging ang paghahasik ng lagim at pagpatay sa mga sibilyang walang kalaban-laban upang hadlangan ang pagpapanalo ng mga progresibong party-list at kandidato sa darating na pambansang eleksyon. Bahagi ito ng mga desperadong hakbang ng rehimen upang matiyak ang pananalo sa bilangan at ang muling

makapaghari sa susunod pang anim na taon.

Terorismo ng estado, sisingilin

Kailangang pagbayarin nang mahal ang rehimeng US-Arroyo. Hahadlangan ng mga progresibo at rebolusyunaryong mamamayan na manalo si Gloria Arroyo sa eleksyon at tuwiran siyang papapanagutin sa lahat ng mga nagawang krimen sa mamamayan. Subalit magawa man ng rehimen na manipula ang resulta ng eleksyon at makapanatili sa poder, haharapin ng rehimen ang daluyong ng kilusang masa at ang bigwas ng mga taktikal na opensiba ng hukbong bayan.

Titiyakin ng Partido, BHB at buong rebolusyunaryong kilusan na mabibigyan ng katarungan ang mga biktima ng mga karumaldumal na krimen ng estado sa pamamagitan ng pagpaparusa sa mga salarin at paglulunsad ng mga taktikal na opensiba laban sa berdugong AFP. **K**

◀Mula sa nakaraang pahina

Masiglang itinataguyod ng puo-puong libo na organisadong mamamayan at daan-daan libong baseng masa ang hukbong bayan at rebolusyunaryong armadong pakikibaka sa pamamagitan ng kanilang mga rebolusyunaryong organisasyong masa, mga komite at grupong pang-organisang bayan at mga binhi ng organo ng pulang kapangyarihang pampulitika. Sinusuportahan pa ng ilang libong partaym na milisya at mga kwerpo ng sariling pagtatanggol ang daan-daang mga pultaym na gerilya.

Sa nakaraang ilang taon, ipinakita ng rehiyong TK sa ibang mga rehiyon kung paano aabante ang pakikidigmang gerilya nang lahatang-panig sa gitna ng mabangis na pananalakay at tuluy-tuloy na pagkokonsentra ng mga panagupang batalyon ng kaaway sa mga larangang gerilya. Nagsikap ang rehiyon na mag-ambag ng ganang makakaya para sa kabuuang pagsulong ng mga rebolusyunaryo sa buong bayan. Natutunan ng mga rebolusyunaryo sa rehiyon kung paano mabisang mapagsasanib at mapagsisilbi sa pakikidigmang gerilya at sa isa't isa ang pagsusulong ng malakas at sustenidong kilusan at kampanyang masa sa kalunsuran at kanayunan at gawain sa nagkakaisang prente't alyansa. At sa proseso, nalikha sa ilang bahagi ng mga larangang gerilya ang mga baseng lumalaban at aktibo sa pulitika na paulit-ulit na nakapagpapalakas sa gitna ng walang puknat na pananalakay at militarisasyon.

Nabigo ang nagpalitang mga reaksyunaryong rehimeng Estrada at Arroyo na pahupain ang rebolusyunaryong paglaban, daluyong ng kilusang masa at tuluy-tuloy na pagsulong ng armadong pakikibaka sa rehiyon sa loob ng mag-aanim nang taong tuluy-tuloy na opensibang militar ng AFP at PNP sa halos lahat ng mga larangang gerilya dito. Bigo ang 202nd Brigade na wasakin ang mga larangang gerilya sa Laguna, Rizal at Batangas. Lalong bigo ang 204th Brigade na padapain ang mga larangang gerilya sa isla ng Mindoro. Lalong hindi na kinayang pigilin pa ng 201st Brigade ang paglakas ng mga rebolusyunaryo sa Quezon at pag-ugat sa Marinduque. Bigo din ang Western Command ng AFP

(WESCOM) na kitlin-sa-usbong ang armadong kilusan sa Palawan.

Kung susukatin ang komulatibong nailunsad na mga taktikal na opensiba sa nakaraang anim na taon, masasalamatin humigit-kumulang ang mga tagumpay at pagsulong sa isang aspeto ng pakikidigmang gerilya sa rehiyon. Mula 1997 hanggang 2002, may kabuuang nailunsad na 310 mga taktikal na opensiba. Dumanas ang kaaway ng kabuuang 423 kaswalti, kabilang ang 281 patay, 132 sugatan at 9 na binihag sa labanan. Kinumpiska ang kabuuang 373 sandata kabilang ang 176 na malalakas na kalibreng riple, maraming bala at mga kagamitang militar at pangkomunikasyon. Ang mga opensibang ito ay 70% sa kabuuang bilang ng naganap na mga labanan sa rehiyon.

Sa kabila ng papalaking deployment ng mga pwersang panagupa sa mga probinsya ng Cavite, Laguna, Batangas at Rizal (CALABAR) at Mindoro, tuluy-tuloy na nakakabawi at muling nakapagpapalakas ang mga larangang gerilya na dumanas ng pansamantalang pinsala dahil sa malakas na pananalakay ng AFP at PNP. Sa nakaraang taon at sa unang kwarto ng 2004, malalakas na bigwas ang tinamo ng mga pwersang militar mula sa kamay ng BHB. Ilan sa matitingkad ay ang sumusunod:

1. Magkasabay na reyd sa detatsment ng Philippine Coast Guard at barko ng Philippine Navy sa Bry. Ungos, Real, Quezon noong Agosto 19, 2003 ng mga pwersang gerilya sa ilalim ng Apolonio Mendoza Command. Sa nasabing reyd, napatay sina 1st Seaman Ismael Bernal, *station commander* ng Phil. Navy at si MCPO Joseph Denmarca, *station commander* ng Phil Coast Guard. Ang mga nasugatan naman ay sina Jovencio Pilar at Antonio Fernandez kapwa ng Phil. Navy habang may dalawa pang sugatan mula sa Phil. Coast Guard. Nakakumpiska ang BHB ng tatlong Cal. 50 Heavy Machine Gun, dalawang M16 Riple, isang Cal. 45 at isang .9mm pistol. Sinunog ng mga Pulang Mandirigma ang Cutter Boat ng Phil Navy.

Sundan sa kasunod na pahina ▶

◀ *Mula sa nakaraang pahina*

2. Ambus sa 19th Special Forces Company noong Agosto 19, 2003 sa Sitio Sinco, Brgy Bucal, Bongabong, Oriental Mindoro ng mga gerilya sa ilalim ng Lucio de Guzman Command. Napatay sa nasabing ambus ang apat na elemento ng 19th SFC kabilang sina 2ndLt Cayetano Curitana II, CO; 2Lt Diovi Villanueva, Ex-O; TSgt Lenny Vinluan at Cpl Rogelio Balaba na nakadestino sa Barangay Hagan, Bongabong, Oriental Mindoro. Kinumpiska ang anim na ripleng awtomatik kabilang ang isang M203 grenade launcher.

3. Ambus sa San Agustin, Sablayan, Occidental Mindoro noong Agosto 20, 2003 sa yunit ng Charlie Company ng 16th IB at PNP ng bayan ng Sablayan. Nasamsam ang tatlong M16, isang M14, isang Super 38 na pistola at mga bala. Napatay dito ang dalawang elemento ng 16th IB at isang pulis. Sumuko si SPO3 Bienvenido Pacifico, ang tim lider ng grupo ng kaaway, at isang CAFGU na trinato nang maayos at makatao.

4. Dagliang ambus ng mga pwersang gerilya sa ilalim ng Nilo Hatol Command sa nag-ooperasyong tropa ng 1st IB Philippine Army sa bawnderi ng Kalayaan, Laguna at Mauban, Quezon noong Oktubre 5, 2003. Napatay sa aktwal na labanan ang apat na kaaway at namatay pa ang dalawang malubhang nasugatan bago nadala ng helikopter sa ospital.

5. Ambus sa Sitio Kadilawan, Cabacao, Abra de Ilog noong Oktubre 10, 2003 sa isang owner type jeep na lulan ang apat na elemento ng 408th Police Provincial Mobile Group -(PPMG) na nakabase sa Mamburao. Napatay sa ambus ang dalawang elemento ng PPMG at dalawa ang nasugatan. Nasamsam sa mga kaaway ang dalawang M16, isang M14, isang cal.45 at mahigit na 500 bala ng riple. Walang nasugatan sa panig ng yunit ng hukbong bayan.

6. Reyd sa detatsment ng 740th Combat Group ng Philippine Air Force sa Dacanlao, Calaca, Batangas noong Enero 10, 2004. Napatay ang 11 kaaway at 10 ang sugatan.. Nakumpiska ang isang M16. Malaking tama sa moral ng kaaway ang opensibang ito ng BHB na matagal nang namamayagpag sa lalawigan.

Ang mga taktikal na opensibang ito ang maliwanag na pruweba na bigo ang kontra-insureksyong opensiba ng kaaway sa rehiyon. Ang sunud-sunod na taktikal na opensiba sa isla ng Mindoro ay nagpasinungaling sa matagal nang paghahambog ng 204th Bde at rehimeng Arroyo na nagtagumpay ang mga “operasyong pamayapa” ng AFP sa isla at mapagpasya nang nalinis ang isla sa mga pwersang gerilya at banta ng mga komunista. Malaking sampal din sa rehimen at sa pagyayabang ni Hen. Efren Orbon ng 202nd Brigade na nalipol na ang mga rebolusyunaryo sa Batangas sa ginawang engrandeng pagpapasuko diumano noong Disyembre, 2003 sa mga tagasuporta ng rebolusyunaryong kilusan na pinasinayaan ni Macapagal-Arroyo sa Balayan at Lipa City.

Habang patuloy na nagpupunla ng lagim at pananakot ang mga pwersang militar ng rehimen sa

“...magiging malawak na libingan ng mga pasista at mga pwersa ng reaksiyon ang buong rehiyon ng Timog Katagalugan.”

mamamayan, aanihin nila ang poot at higit na paglaban sa bawat sulok ng kanayunan at lungsod ng Timog Katagalugan. Ang bawat pagpatay, pagmamalupit at mga karumal-dumal na krimen na inihahasik ng rehimen at pwersa ng pasismong nasa AFP at PNP ay ibayong magbubunsod ng lahat na tipo ng paglaban ng mga uring pinagsasamantalahan at inaapi. At darating ang panahon na kahit ang tuluy-tuloy na pagpapalaki ng pwersang militar at pulis na itatalaga sa rehiyon ay di makasasapat para patahimikin ang nag-aalimpuyong galit ng sambayanan na sa maraming paraan ay mag-aambag sa pagsusulong ng pakikidigmang gerilya. Sa panahong ito, magiging malawak na libingan ng mga pasista at mga pwersa ng reaksiyon ang buong rehiyon ng Timog Katagalugan. **K**

Dumarami ang mga sapilitang nagsisilikas sa Mindoro



Nagiging kalakaran na ang sapilitang paglikas na nagreresulta sa pagdami ng mga *internal refugees* sa tuwing may operasyong militar sa kanayunan. Karaniwang hakbangin ito ng mga mamamayang apektado sapagkat alam nila na tiyak ang pandarahas at pagmamalupit sa kanilang hanay sa bawat operasyong ito. Ito ang masamang imahe na nalikha ng Armed Forces of the Philippines at Philippine National Police sa kaisipan ng mamamayan. Ang presensya ng pasistang tropa ay hindi nangangahulugan ng kapayapaan at kaligtasan nila.

Nitong Enero, aabot sa 500 katutubong mangyan ang sapilitang lumikas mula sa mga bayan ng Paluan, Abra de Ilog at Mamburao, Occidental Mindoro upang pansamantalang iwasan ang marahas na pananalasa ng nag-ooperasyong tropa ng komposit na Phil Navy, Airforce, PNP at 204th Brigade na pinamumunuan ni Col. Fernando Mesa.

Inilunsad ng AFP ang isang engrandeng operasyon para tugisin umano ang natunagan nilang malaking bilang ng hukbong bayan na nakahimpil sa lugar ngunit wala silang inabutan kahit isa. Dahil sa kanilang kabiguan at desperasyon, ibinaling ng pasistang tropa ang kanilang kalupitan sa mga katutubong Mangyan.

Pinakamatindi ang paglabag sa karapatang pantao

sa mga sityo ng Aglimasan at Talahib, Brgy Harrison, Paluan. Walang pakundangan ang panunog ng bahay, pagnanakaw, paninira ng mga ari-arian, walang habas na pagpapaputok, harasment, pambubugbog at pananakit. Tinakot, binantaan, hiniya at tinortyur ng mga militar ang mga katutubong Mangyan. Binastos ang kababaihan.

Maisasalarawan ang kahabag-habag na karanasan ng mga katutubong mangyan sa kamay ng militar mula sa karanasan ni Mang Andoy, 30-taong gulang, isang katutubong Mangyan. Dinukot siya ng militar sa kanyang bahay noong Enero 15. Halos tatlong oras siyang pinagtatanong ng mga militar. Sinaksak ng itak ang kanyang tuhod nang di niya masagot kung saan nagkakampo ang mga NPA. Itinutok ng isang militar sa leeg ni Mang Andoy ang matalim na itak habang halinhinang kikukulata ng baril ng apat na militar ang kanyang tiyan at tagiliran.

Ipinasok siya ng patiwarik sa butas ng isang malaking puno. At pagkatapos ay pinaakyat siya sa taas ng puno at ibinilad sa singkad na init ng araw na sumunog sa balat ng kanyang likod.

Lalung dumarami ang mga napipilitang magsilikas habang patuloy ang mapaminsalang operasyon at presenya ng pasistang tropa ng AFP sa isla ng Mindoro. Matatandaan na noong 2001 daan-daang mga Katutubong Mangyan ang lumikas mula sa Oriental Mindoro resulta ng pananasala ng 204th Brigade sa lalawigan na noon ay pinamumunuan ng berdugong si Col. Jovito Palparan, Jr. Ang mga nagsilikas ay hindi pa nakababalik sa sarili nilang lugar hanggang sa kasalukuyan. Ngayon sa Occidental Mindoro naman nandarahas ang pasistang tropa..

Hanggat nananatili ang mga kampo militar sa komunidad ng mga mamamayan, patuloy ang pagdami ng katulad ni Mang Andoy na nawawalan ng tahanan, kabuhayan at karapatan.

Pananagutan ng rehimeng US-Arroyo ang lahat ng

Sundan sa kasunod na pahina ►

Para sa mga Mindoreno, bayani ang mga tagapagtaguyod ng karapatang pantao

Higit na nagiging walang pakundangan at walang kasinglupit ang kontra-rebolusyunaryong digmang inilulunsad ng pasistang militar. Palatandaan ng kabiguan ng mga reaksyunaryo na malipol ang rebolusyunaryong kilusan ang pagsalbeyds, pagtortur, ilegal na pag-aresto, pwersahang pagpapalikas, harasment at iba't-ibang tipo ng pang-aabuso sa mamamayan.

Walang itinatangi ang Armed Forces of the Philippines sa kanilang pagpaslang. Hindi ligtas sa kanila ang ordinaryong mamamayan o yaong walang tuwirang kaugnayan sa hukbong bayan. Target ng kanilang operasyon maging ang mga tagapagtaguyod ng karapatang pantao at lahat ng organisasyong bumabatikos laban sa pang-aabusong militar at nagsusulong sa kapakanan ng mamamayan. Nitong Pebrero, brutal na pinatay ang tatlong aktibistang nagtataguyod sa karapatang-tao at lumalaban sa militarisasyon sa Mindoro.

Noong Pebrero 13, pinatay si Juvy Magsino, Vice Mayor ng Naujan, Oriental Mindoro, kasapi ng Bayan Muna at tagapangulo ng Provincial Justice and Peace Council at ang kasama niyang si Leyma Fortu, *secretary general* ng Karapatan-Oriental Mindoro. Matapos habulin at paulanan ng bala ang kanilang sasakyan, malapitan silang binaril ng pinaniniwalaang mga tauhan ng 204th Brigade nang abutan sila sa Brgy Amuguis,

Naujan. Naganap ang pamamaslang ilang kilometro lamang mula sa kampo ng 204th Brigade.

Si Magsino ay isang mahusay na manananggol para sa karapatang pantao at pursigidong tumututol sa deployment ng bata-batalyong tropa ng Task Force Banahaw (204th Brigade ngayon) noong 2001 sa lalawigan. Sa proseso, pananakot at pagbabanta ang tinanggap niya mula kina Col. Jovito Palparan, dating *commanding officer* ng 204th Brigade at Msgt Larry Hilario, tagapagsalita ng 204th Brigade.



Tumatakbo si Magsino sa pagkaalkalde ng Naujan sa darating na eleksyon. Kalaban niya si Mayor Norberto Mendoza, ang *incumbent* mayor ng nasabing bayan na mahigpit na sumusuporta sa militarisasyon sa lalawigan.

Samantala, noong Pebrero 18, dinukot ng pitong pinaghihinalaang militar si Edrian Alegria, isang aktibistang nangangampanya laban sa militarisasyon sa Mindoro, sa kanilang bahay sa Brgy Lumang Bayan, Sta. Cruz, Occidental Mindoro bandang 2:30 ng madaling araw. Kinaumagahan, natagpuang lulutang-lutang ang kanyang bangkay sa Amnay River sa bayan ng Sablayan. Bakas sa kanyang katawan ang pinagdaanan tortyur bago siya pinatay. Nagtamo siya ng

Sundan sa kasunod na pahina ►

◀Mula sa nakaraang pahina

matinding pang-aapi at pag-alipusta na sinapit ng mamamayan sa kamay ng kanyang pasistang tropa. Kung duguan ang kamay ni Col. Fernando Mesa, ang kasalukuyang *commanding officer* ng 204th Brigade sa mga krimeng naganap sa Mindoro higit na duguan ang kamay ni Gloria Arroyo bilang *commander in chief* ng AFP. Si Arroyo mismo ang tuwirang nag-eenganyo sa AFP na patindihin ang pag-atake sa mga

rebolusyunaryong puwersa sa Mindoro at sa buong Timog Katagalugan.

Habang lumalaon higit na dumarami at bumibigat ang krimen ng AFP, PNP at ng buong reaksyunaryong gubyerno laban sa mamamayan. Nagiging matibay na batayan ito para ibagsak at palitan ang kasalukuyang gubyerno na walang pagsasaalang-alang sa kanilang kapakanan. **K**

Ang mapait na kalagayan ng magsasaka sa tubuhan

Maihahalintulad sa masalimuot na proseso ng pagkatas ng asukal mula sa tubo ang pang-aapi't pagsasamantala na nararanasan ng mga magsasaka sa industriya ng asukal sa mga kamay ng mga panginoong maylupa, malalaking burgesya komprador at dayuhang monopolyo-kapitalista.



Dugo't pawis ang ipinuhunan ng mga magsasaka upang itaguyod ang buong industriya ng asukal subalit ang bunga ng kanilang paghihirap ay piniga't pinakinabangan lamang ng iilang mapagsamantala.

Katulad ng mga magsasaka sa ibang linya ng pananim, iba't ibang anyo ng ibayong pagsasamantala ang ibayong nararanasan din ng mga magsasaka sa industriya ng asukal. Umiiral ang pyudal at malapyudal na pagsasamantala sa anyo ng mataas na upa sa lupa, mababang pasahod sa mga manggagawang bukid, malaganap na usura at pandaraya ng mga PML sa kwentahan matapos maipailo ang tubo, pagkakait ng karapatan sa pagtanim ng ibang pananim bukod sa tubo.

Pinagsasamantalahan ng burgesya-komprador ang mga magsasaka sa pamamagitan ng mataas na upa sa pagpapailo, talamak na dayaan, arbitraryong pagtatakda ng presyo ng asukal sa pamilihan, panggigipit sa maliliit

Sundan sa kasunod na pahina ►

◀Mula sa nakaraang pahina

isang tama ng bala sa dibdib at sa isa pa sa batok na tumagos sa kanyang mukha. Pitong beses siyang sinaksak.

Sina Magsino, Fortu at Alegria ay pinakahuli lamang sa pahaba nang pahabang listahan ng mga biktima ng karahasang militar hindi lamang sa Mindoro kundi sa buong Timog Katagalugan.

Muling pinatatampok nito ang dumaraming kaso ng mga pagpatay sa mga aktibistang nagtataguyod sa karapatang tao. Noong nakaraang taon, dinukot at pinatay ng mga pinaniniwalaan ding tauhan ng 204th Brigade sina Eden Marcellana, Pangkalahatang Kalihim ng Karapatan-Southern Tagalog at Eddie Gumanoy, Tagapangulo ng Kasama-TK sa bayan din ng Naujan.

Bayani ang mga tagapagtaguyod ng karapatang pantao

Bayani para sa masang Mindoreno ang mga

tagapagtaguyod ng karapatang pantao. Noong Pebrero 21, higit sa 100 sasakyan ang nag-caravan sa martsa-libing para kay Magsino at higit sa limang libo-katao ang nagparangal sa kanya. Karamihan dito ay mga magsasaka buhat sa iba't ibang bayan ng lalawigan na kanyang natulungan.

Mariing inilantad at kinundena ng mga nakidalamhati kay Magsino ang sabwatang Mayor Norberto Mendoza ng Naujan, Col. Fernando Mesa at Lt. Jovy Carmen dela Fuente (pamangkin ni Mayor Mendoza) kapwa ng 204th Brigade sa karumal-dumal na pagpaslang kina Magsino at Fortu.

Daan-daang mamamayan din ang nagparangal at nakipagmartsa sa libing ni Fortu sa Calapan City.

Ipinakikita nito na hindi mabubusalan ng berdugong AFP at rehimeng US-Arroyo ang pagsisiwalat at paglaban ng mamamayang Mindoreno sa mga kalupitang kanilang dinaranas anuman ang antas ng pananakot o pagpaslang ang gawin sa kanila. **K**

Ang hagupit ng semi-proletaryanisasyon sa kanayunan

Isa sa pikamalupit na hagupit ng imperyalistang globalisasyon sa bansa ay ang malawakan at mabilisang pagwasak sa kabuhayan ng masang magsasaka at iba pang maralita sa kanayunan. Itinutulak nito ang muling pagkokonsentra ng lupa sa mga kamay ng panginoong maylupa at pangangamkam ng malalaking burgesya-kumprador at mga dayuhang monopolpolyo kapitalista. Bunga nito, maraming maliliit na magsasaka at inagawan ng lupa at mga tenante ang pinagkaitan ng karapatan sa lupang kanilang sinasaka. Sa ganitong kalagayan, kapuna-puna ngayon ang paglitaw at mabilis na pamamayagpag ng semi-proletaryanisasyon sa kanayunan.



Ang semi-proletaryanisasyon ay isang kalagayan kung saan ang mga maliliit at nagsasariling pamilyang magsasaka ay natatransporma bilang manggagawang bukid at mala-manggagawa na pangunahing umaasa sa pagbebenta ng lakas-paggawa upang mabuhay. Marami rin sa kanila, partikular ang mga kabataan, ang nadaragdag sa hukbo ng kinontratang paggawa sa mga pabrika at dumaranas ng napakasahol na kalagayan at pasahod sa pabrika.

Partikular sa Timog Katagalugan, itinutulak ang semi-proletaryanisasyon ng mabilis na agos ng pagpapalit gamit sa lupa sa ibat ibang lalawigan ng rehiyon partikular sa erya ng CALABARZON. Tumatampok din sa kanayunan ng

Sundan sa kasunod na pahina ►

◀Mula sa nakaraang pahina

na nagtatanim ng tubo, pagkakait ng tradisyunal na suplay ng asukal para sa mga magsasaka at panggigipit sa mga manggagawa ng sentral (pabrika) sa anyo ng mababang pasahod at masahol na kalagayan sa loob na pagawaan.

Ang imperyalistang pagsasamantala ay nagkakaanyo sa pagtatambak ng murang labis na asukal sa bansa, pagtatakda ng kota at mataas na taripa sa mga bansang nagluluwas ng asukal at manipulasyon ng presyo ng asukal.

Malaking krimen ang pagsasamantala ng reaksyunaryong gubyerno sa anyo ng pagkubra ng buwis sa ngalan ng kagalingan ng mga mangagawang bukid at magsasaka na ibinubulsa ng mga PML at burukrata, pakikipagkutsabahan sa monopolpolyo-kapitalista upang malayang dambungin nito ang industriya ng asukal sa ngalan ng liberalisasyon at pandarmbong sa itinakdang Agricultural Competitiveness Enhancement Fund o pondo para sa kagalingan ng sektor.

Sa lubha ng krisis na inabot ng idustriya ng asukal at pagdurusang nararanasan ng mga magsasakang nagtataguyod dito, nararapat lamang na paigtingin ang pakikibaka laban sa mga parasitikong matagal nang nagpapasasa sa dugo at pawis nila.

Magiging mahalagang susi ang pagkakaisa ng magsasaka, manggagawang bukid, maliliit na nagtatanim ng tubo, mga panggitnang pwersa at lahat ng maaapektuhan ng krisis upang mahigpit na maisulong ang pakikibaka.

Sa mga lugar kung saan namamayani ang kapangyarihan ng demokratikong gubyernong bayan, partikular sa taniman ng tubo, kinakailangang palakasin ang anti-pyudal na pagkilos. Kasabay ng pagkokonsolida ng lakas sa kanayunan, kinakailangang palawakin at palakasin ang mga hayag na pagkilos sa kalunsuran upang mapatampok ang kalunus-lunos na kalagayan ng masang magsasaka sa tubuhan. **K**

◀ *Mula sa nakaraang pahina*

rehiyon ang bagong pakana ng mga bagong tipong PML na kumuha na lamang ng upahang paggawa o katulong sa halip na tenante upang magtrabaho sa kanilang lupa. Sa ganitong paraan, naipagkakait ng mga PML sa mga tenante ang karapatan sa lupa.

Sa Mindoro Occidental, tinatayang umaabot na sa 70 porsyento ng populasyon sa kanayunan ang mga manggagawang bukid at maralitang magsasaka na pangunahing sumasandig sa pagbebenta ng lakas paggawa. Taun-taon pa itong nadaragdagan bunga ng pagdagsa ng mga taga-kabisayaan para maghanap ng lupang mabubungkal o magpaupa sa kanilang lakas paggawa.

Sa Batangas, patuloy ang pagdami ng mga manggagapak ng tubo na ang karamihan ay mga kinontratang paggawa mula sa Bondoc Peninsula sa Quezon at mga Mangyan sa Mindoro.


Sa Mindoro Oriental, lumalaki ang bilang ng mga manggagawang bukid sa tuwing tagputi sa mga prutasan tulad ng sinturisan, lansonesan, kalamansian at rambutan. Sa Laguna, dumadagsa ang mga manggagawang bukid tuwing anihan sa palayan. Malaking bilang ng populasyon sa kanayunan ng lalawigan ang nagtatrabaho sa mga pabrika at enklabo na nakasentro sa unang distrito nito.

Sa Cavite, litaw na litaw ang proseso ng semi-proletaryanisasyon bunga ng malawakang pagpapalit

“...hindi dapat ipagkamali na ang proseso ng semi-proletaryanisasyon ay isang pag-abante ng produksyong pyudal at malapyudal tungong kaptilasimo.”

gamit ng lupa mula agrikultural tungong komersyal, industriyal at panturismo. Karamihan sa mga kabataan dito ay pumapasok bilang kontraktwal sa mga pabrika na tumatagal lamang mula isa hanggang tatlong buwan.

Subalit hindi dapat ipagkamali na ang proseso ng semi-proletaryanisasyon ay



isang palatandaan ng pag-abante ng produksyong pyudal at malapyudal tungong kapitalismo. Kung susuruing mabuti, ang ganitong kalagayan ay itinutulak ng 1) malawakang pagpapalayas sa masang magsasaka sa kanilang lupa bunga ng pangangamkam o

pagpapalit gamit sa lupa; 2) rekonsentrasyon ng lupa sa mga PML bunga ng iba't ibang tipo ng pagsasamantalang pyudal at malapyudal at 3) pagkawasak ng mga baryo at komunidad ng mga magsasaka bunga ng mapanirang proyekto ng reaksyunaryong gubyero at mga operasyong pagmimina at 4) ng patuloy na paglaki ng bilang ng mga walang trabaho. Ang lahat ng ito ay naghahawan ng daan upang muling mabawi ang lupa ng mga panginoong maylupa at mga burgesya-kumprador at dambungin ng mga monopolyo kapitalista.

Ang malapyudal na sistema ng lipunan ay itinatakdang imperyalismo at habang nakadagan sa lipunang Pilipino ang salot na ito, hindi kailanman makakaalpas ang bansa mula sa karukhaan at pagkaatrasado.

Kaugnay ng nagaganap na semi-proletaryanisasyon, kinakailangang buuin ang pagkakaisa ng mga manggagawang bukid at maralitang magsasaka at iba pang maralita sa kanayunan. Sila ang magsisilbing matibay na gulogud ng pakikibaka para sa tunay na reporma sa lupa at nasyunalisasyon ng lupaing pag-aari ng PML, MBK at monopolyo kapitalista. Ang matagal na nilang paghihirap at pagkamuhirap sa bulok na sistema ay kinakailangang maitransporma bilang sandata para sa pakikibaka sa paglaya ng lipunan mula sa pagsasamantala ng mga salot. **K**

Parangal kay Kasamang Arjay


Walang sinuman sa atin ang makapagtatakda kung paano at kailan tayo mamamatay. Pero para sa mga rebolusyunaryo at Komunista, maitatakda niya kung para kanino siya mamamatay. Ito ang tanging sukatan kung gaano ang naging halaga at silbi ng buhay ng isang tao sa lipunang kanyang ginagalawan. Sa ganito din natin titimbangin at huhusgahan ang kamatayan ng ating pinakamamahal na Kasamang Ulpiano Anareta, Jr. na sa iba'y nakilala bilang si Ka. Jovy, Ka Demo, Ka Lenlen, Ka Ani, Ka Micat at nitong huli bilang Ka Arjay. Mga pangalang sa iba't ibang panahon at lugar ay lubos na tinangkilik at minahal ng masa ng sambayanan.

Tunay na anak ng rebolusyon

Isinilang si Ka Arjay sa Remedios I, Mauban, Quezon noong Nob 12, 1966 ng magulang na sina Ulpiano Anareta, Sr. at Leonides Custodio, pawang mga beterano ng HUKBALAHAP, Hukbong Mapagpalaya ng Bayan (HMB) at sa kalaunay naging kasapi ng Partido sa lokalidad.

Kahit na nakatuntong siya ng kolehiyo, hindi naging mahirap para kay K. Arjay na piliin at tahakin ang landas ng rebolusyon kaysa mamuhay ng isang ordinaryong mamamayan dahil kongkreto at damang dama niya ang labis na kahirapan ng pagiging magsasaka na kanyang kinagisnan at kinalakhan. Ito'y isang mabigat at di makasariling pagpapasya. Sa kanyang paglahok sa produksyon at pakikibaka sa katunggaling uri madaling nabuksan ang isipan ni K. Arjay sa katotohanang walang magaganap na makabuluhang pagbabago sa abang kalagayan ng masang magsasaka at lulutas sa daan taong pagkaalipin nila sa lupa kung aasa lamang sila sa awa at mga huwad na reporma sa lupa ng mga naghaharing uri. Ang hikahos na kalagayan at karanasang ito ang nagsilbing matabang lupa para sumibol ang binhi ng rebolusyunaryong kaisipan sa kanya at magpasya siyang

pumaloob sa rebolusyunaryong kilusan, una sa isang lihim na organisasyon ng mga kabataan sa baryo, hanggang sa buong panahong pagkilos bilang mandirigma ng Bagong Hukbong Bayan noong 1988.



Magiting na mandirigma at kumander ng Bagong Hukbong Bayan

Nagpamalas ng giting sa pakikipaglaban si Ka Arjay noong maagang bahagi ng kanyang pagsapi sa hukbo noong 1989 laban sa mersenaryong AFP sa isang engkwentro sa San Miguel, Mauban. Bilang kumander, pinamunuan niya ang ilang ispesyal na operasyon sa pagpaparusa sa mga *druglord* sa Mauban at Burdeos. Matagumpay niyang naikumand ang isang dependensya sa Polilio nitong Enero.

Subalit higit pa sa pagiging matapang na kumander, napamahal si Ka Arjay sa daan-daang pulang mandirigma na napailalim sa kanyang pamumuno. Mapagkumbaba, masipag sa pang-araw-araw na gawain at walang-sawa sa pagpapaalala sa mga kasama si Ka

“Kahit na nakatuntong siya ng kolehiyo, hindi naging mahirap para kay K. Arjay na piliin at tahakin ang landas ng rebolusyon...”

Arjay. “Lagi kayong magpakatatag”, aniya. Upang mang-ahita ng mga kasamang nag-aalangan sa paggampan, sinasabi niya, “kung makagaganda sa gawain
Sundan sa kasunod na pahina ►

◀ *Mula sa nakaraang pahina*

ay bakit di natin pangahasan?”.

Masayahin, mabiro, malambing sa mga kasama – lagi niyang itinuturing ang sarili na kapantay ng lahat at kahit kailan ay di ginamit ang antas na inabot para magmando o magmataas.

Mahusay na komunista



Sa loob ng 17 taon, pinatunayan ni Ka Arjay ang walang kaparis na paglilingkod sa sambayanang Pilipino. Marami nang kahirapa't pasakit ang sinuong at nalagpasan ni Kasamang Arjay. Walang panahon na kinakitaan siya ng panlalamig ni panlulumo sa harap ng mga kabiguan at pasakit. Bagkus ipinamalas niya ang kanyang walang kapaguran at buong kasigasigang pagtataguyod sa interes ng rebolusyon.

Kinakitaan siya ng katapangan at kagitingan sa pakikihamok sa kaaway ng bayan. Isinabuhay niya ang kawikaang “walang sawa sa pagtuturo, walang pagkabusog sa pagkatuto”. Mismong ang kanyang mga kwento at biro ay puno ng aral lalo na sa mga baguhang hukbo at kasama. Lagi niyang pinangungunahan ang tungkulin sa kultura-pag-awit at paglikha ng mga tula at dula.

Matatag niyang pinamunuan ang matatagumpay na pagsusulong ng rebolusyong agraryo saan man siyang dako maitalaga. Naroon sa kanya ang ibayong determinasyon sa pagtataguyod ng armadong pakikibaka bilang pangunahing porma ng pakikibaka. Matatag siyang nanindigan sa paglaban sa kanan at kaliwang oportunismo na inihasik ng mga paksyunalista't isplitista. Mahusay ang naging rekord niya sa pagtataguyod at pagsasakatuparan sa kilusang pagwawasto laban sa anumang uri ng oportunistang at rebisyonismo. Higit sa lahat, mahigpit ang naging paghawak niya sa mga saligang prinsipyo ng Partido at mga patakaran at disiplinang ipinatutupad nito.

Pinangunahan niya ang maraming paglalagom ng

karanasan sa Mauban at sa Hilagang Quezon at sa sandali ng pagkamatay ay nagsisikap na magbuo ng susog-amyenda sa Rebolusyunaryong Gabay sa Reporma sa Lupa para sa mga niyugan.

Rebolusyunaryong asawa at ama

Butihing asawa ni Ka Joy, pareho nilang dinisiplina ang apat na bunga ng kanilang pagmamahalan. Magkatuwang nilang kinaharap ang sakripisyo ng panapahon lamang na pagkikita at tulad ng sa lahat ng pamilyang nakikibaka, ang limitasyon sa nakalaang pampamilyang pangangailangan. Huwarang ama, binibigyan niya ng mga rebolusyunaryong pag-aaral ang pamilya para sa maagang paghuhubog.

*“...ipinamalas niya ang
walang kapaguran at buong
kasigasigaang pagtataguyod
sa interes ng rebolusyon”*

Nanghihinayang tayo sa maagang pagkawala ng isang mahusay na kasama, responsableng asawa at ama. Subalit, sa tuwing makikita nating nagpupuyos ang damdamin ng sambayanang Pilipino, hindi ang trahedya ng kamatayan ni Kasamang Arjay ang maaalala natin kundi ang realidad ng umiiral na tunggalian ng mga uri sa ating lipunan, ang patuloy na paghihikahos at kaapihang dinaranas ng mamamayan. Masasalamatin natin sa kamatayan ni Kasamang Arjay ang nagpupuyos at makauring galit ng masang anakpawis na humihingi ng katarungan at pagtubos laban sa mga mapagsamantala at mapang aping uri. Sa tuwing tatanawin natin ang kabundukan na kanyang inahon, ang malawak na kapatagan na kanyang tinahak at maraming ilog na kanyang tinawid, hindi ang duguan niyang bangkay ang ating magugunita kundi ang malawak na masang naghihintay sa atin para ating pukawin, organisahin at pakilusin para sa demokratikong rebolusyon at


Sundan sa kasunod na pahina ▶

Labing-isang kaaway, patay sa opensiba ng BHB sa Batangas

Mapangahas na sinalakay ng mga kagawad ng Melito Glor Command (MGC) – Bagong Hukbong Bayan–Timog Katagalugan ang dalawang detatsment ng 740th Combat Group ng Philippine Air Force (PAF) sa Brgy. Dacanlao, Calaca, Batangas at Brgy. Duhatan, Balayan noong ika-10 ng Enero. Labing-isang militar at CAFGU ang napaslang sa opensibang ito at di bababa sa 10 ang sugatan. Taliwas ito sa mga ulat na ipinakalat ng AFP sa burgis na midya na apat na militar lamang ang napaslang sa labanang ito.

Kabilang sa labing-isang napaslang sina Sgt. Edgardo Migua at Sgt. Carlito Paraiso. Kabilang naman sa sampung sugatan sina Sgt. Erwin Rigos, Air Force Officer Reynaldo Carandang at mga CAFGU na sina Michael Atienza, Pablo Panaligan at Valentin Capianza. Samantala, tatlong Pulang mandirigma ang nagbuwis ng buhay dito.

Ganap na ikalawa ng madaling araw nang kagyat na paputukan at kubkubin ng mga gerilya ng BHB na lulan ng isang trak ng tubo ang detatsment ng 740th Com-



bat Group na malapit sa Gate 4 ng Calaca Coal Fired Thermal Plant.

Ilang sandali matapos kubkubin ang detatsment, dumating ang isang Armored Personnel Carrier (APC) ng AFP mula sa isa pang detatsment ng PAF sa Brgy

Sundan sa kasunod na pahina ►

◄Mula sa nakaraang pahina

sosyalismo. At tuwing babagtasin natin ang maunos na karagatan ng digmang bayan, naroon lagi ang di matitinag na optimismo na pagkatapos ng unos ay sisikat ang mapulang araw ng paglaya.

Ang pagdadalamhati natin sa pagkawala ni Ka Arjay ay dapat tumbasan ng rebolusyunaryong katapangan. Ibinigay ni Kasamang Arjay ang kaniyang tanging buhay para sa paglilingkod sa mamamayan, para sa interes ng mga pinagsasamantalahan at para sa mga dakilang simulain ng Partido at rebolusyon. Dahil dito, dakila ang kaniyang kamatayan – isang kamatayang di matutumbasan ang kabuluhan at nilalaman. Lagi natin siyang dadakilain at gugunitain bilang bagong bayani ng rebolusyunaryong kilusan. Siya ay nag-alay ng kanyang pinakamataas na sakripisyo at pinatunayan niya sa huling sandali ng kaniyang buhay kung para kanino siya

mamamatay. Sa kanya ang pinakamataas na pagpupugay bilang martir ng rebolusyon.

Pinapahalagahan natin si Ka Arjay bilang isang dakilang martir sa pamamagitan ng pangako na ipagpapatuloy ang mga naiwan niyang gawain-ang ihanda ang mga sarili sa higit pang pagpapakasakit para sa interes ng masang inaapi. Kailangang lubusan nating mapanday ang ating mga sarili para mabisa nating maharap ang mga pagsubok at mga sakripisyo, lampasan ang mga sariling limitasyon at hubugin ang mga sarili para maging mga ganap na rebolusyunaryo at Komunista. Itaguyod at ipagpatuloy natin ang kaniyang di natapos na misyon para sa sambayanan. **K**

Hinalaw sa Luksang Parangal-Mensahe ng Komite ng Partido sa Probinsya ng Quezon at Komiteng Larangan ng Gitna-Hilagang Quezon. Binasa sa martsa-libing noong Marso 1.

Operasyong isparo sa Quezon, sumusulong

Matatagumpay ang mga inilunsad na operasyong isparo ng Apolonio Mendoza Command-Bagong Hukbong Bayan-Central Quezon nitong Enero at Pebrero.

Pinarusahan ng BHB si Nilo Taniana noong Enero 17, 2004 sa Brgy. Binahaan, Pagbilao. Dating miyembro ng Philippine Marines si Taniana at aktibo sa paniniktik sa rebolusyunaryong kilusan. Nakuha dito ang isang .9mm na pistola.

Samantala noong Enero 21, 2004, isinakatuparan ng walong operatiba ng BHB-Hilagang Quezon ang

isang ispesyal na operasyon sa Brgy Anawan, Polilio Quezon laban kay Vice Mayor Eddie Durante ng Burdoes sa kaso ng pagiging puno ng sindikato ng shabu. Ang matagumpay na pamamarusa sa nasabing bise-alkalde ay isang malaking dagok at banta sa lahat ng mga pusakal na burukratang sangkot sa mga iligal na aktibidad sa buong distrito.

Muling naglunsad ang anim na operatiba ng AMC-BHB-CQ ng isang ispesyal na operasyon noong Pebrero 20, 2004 na tumapos sa paniniktik ni Paolino Mancenido, *deputy chief* ng PNP-Mauban. Nakuha sa nasabing operasyon ang isang kalibre .45 at tatlong magasin.

Bakit pinarusahan ng BHB si Vice Mayor Durante?

Si Vice Mayor Eduardo Durante ang pinakabantog at pinakatalamak na druglord sa buong distrito ng Hilagang Quezon. Si Durante ang isa sa mga ulo ng sindikatong nagpapasok ng tone-toneladang shabu sa ating bansa. Ipinapasa niya ang tone-toneladang shabu sa iba pang kasabwat na pulitikong pambansa at lokal, kakutsabang negosyante at opisyal-militar para ikalat ang shabu sa Quezon at Metro Manila.

Gamit ang iba't ibang tsapa mula sa opisina ng bise-alkalde, maluwag na nakakapagpuslit ng shabu ang kanyang mga tauhan maging sa mga pinakaliblib na baryo. Upang mapabilis ang operasyon, kinasapakat niya sa negosyong ito ang mga *coast guard* sa mga maliliit na pulo sa isla ng Polilio, *navy* na nakabase sa Real at mga tiwaling pulis sa Unang Distrito.

Kasabay ng malawakang petisyon ng mamamayan sa buong kapuluan ng Polilio-Burdeos-Panukulan, tinipon ng BHB ang mga datos upang madiin at makitil mula sa pinakapusakal ang iligal na operasyon ng droga sa lugar. Lalong tumibay ang ebidensya laban kay Durante nang sumuko sa BHB ang isa niyang kanang-kamay sa takot na maparusahan matapos mabalita ang petisyon ng taumbayan.

Naging matutunog at matatagumpay ang mga operasyon ng BHB upang sawatain ang tambalang Durante-militar-pulisya sa nakaraang ilang taon. Iginawad ang parusahang kamatayan kay Durante noong Enero 2004. Umani ito ng mga papuri sa mamamayan sa lugar at pagkilala ng iba't ibang sektor at saray sa buong bansa. **K**

Tumugon muli sa panawagang paglilinis ng base ang tatlong operatiba ng AMC-CQ nang parusahan sa Brgy. Ibabang Palale, Tayabas si Mario Salvidea. Ang naturang dating CAFGU ay may kasong paniniktik at paggiya sa operasyon laban sa BHB. **K**

◀Mula sa nakaraang pahina

ng AFP mula sa isa pang detatsment ng PAF sa Brgy Palico, Tuy. Nagtangka itong sumaklolo sa mga napapalabang sundalo. Magiting din itong nilabanang mga Pulang mandirigma at sa proseso'y napatay dito si Sgt. Paraiso, ang driver ng sumaklolong APC.

Halos kaalinsabay nito, hinaras din ng mga kagawad ng BHB ang Punong Himpilan ng isang kumpanya ng 740th Combat Group sa Brgy. Duhatan, Balayan.

Malaking bigwas ang opensibang ito sa 740th Combat Group ng PAF na aktibung-aktibo sa mga operasyong kontra-rebolusyunaryo sa Kanlurang Batangas. **K**

Sa paggunita sa EDSA II at Mendiola Massacre

Serye ng mga pagkilos, inilunsad

“WALANG PINAG-IBA, LUMALA PA!” ITO ANG PAHAYAG NG mga lumahok sa paggunita ng EDSA II at Mendiola Massacre.

Dumalo ang humigit kumulang sa 500 aktibista mula sa Timog Katagalugan sa serye ng mga pagkilos upang gunitain ang pakikibaka ng mamamayan na nagpatalsik sa Rehimeng US-Estrada.

Nagsilbing unang lunsaran ng serye ng mga pagkilos ang inilunsad na piket-protesta-paglalamay sa harap ng planta ng Nestle Phils, Inc. sa Cabuyao noong ika-19 ng Enero. Kinundena ng mga lumahok ang sabwatan ng gobyerno at ng pamunuan ng nasabing kumpanya upang gipitin at dahasin ang mga manggawang nakawelga mula pa noong Enero 2002.

Sumanib ang mga militante sa pambansang rali na idinaos sa harap ng Camp Crame noong ika-20. Inilantad dito na hindi natapos ang mga paglabag sa karapatang pantao at paghihirap ng mamamayan nang napatalsik si Estrada. Anila, higit pa itong tumindi kaya’t

marapat lamang na sunod na ibagsak ang rehimen ni Gloria.

Matapos ang programa sa EDSA, nagpiket ang delegasyon ng mga magasasaka sa opisina ng Department of Agrarian Reform sa Quezon City hanggang sa umaga ng ika-22.

Nagtipong muli sa Mendiola noong hapon ding iyon ang may 500 aktibista mula sa iba’t ibang sektor upang lumahok naman sa paggunita sa 1987 Mendiola Massacre. Ipinanawagan ng mga nagpiket sa DAR at mga nagprogesta sa Mendiola ang pagpapahinto sa mga pandarahas sa uring magasasaka na nakikibaka para sa tunay na repormang agraryo.

Mariin ding ipinanawagan sa serye ng mga pagkilos ang pagpapatigil sa kasalukuyang nagaganap na militarisasyon sa Paluan, Occidental Mindoro at iba pang panig ng rehiyon. Iginiit din dito ang pag-iimbestiga at pagbibigay ng katarungan sa mga naganap na paglabag sa karapatang pantao.

19th SFC, pinatakbo ng BHB

NAPATAKBO NG DALWAMPU KATAONG YUNIT NG LUCIO DE Guzman Command BHB-Mindoro ang isang platoon ng 19th Special Forces Company sa isang labanan sa Sityo Gumatos, Brgy Hagan, Bongabong, Oriental Mindoro.

Sa isang oras na labanan, napatay ang tatlong elemento ng 19th SFC at maraming iba pa ang nasugatan. Inambus ng BHB ang nasabing yunit militar makaraang habulin nito ang isang Pulang mandirigmang nagsilbing pain.

Dahil sa mahusay na pusisyon ng BHB, namantine nila ang laban nang walang napinsala at napatakbo ang mga tropa ng 19th SFC kahit mas marami ang mga ito. Para makuha ang kanilang mga kaswalti, nagpasaklolo ang mga militar sa dalawang helikopter na nambomba at nag-strafting sa lugar ng pinaglalaman. Subalit maagap namang nakakalas ang BHB at ligtas na nakalayo.

Pampublikong transportasyon, dalawang araw na naparalisa

UMABOT SA 90% NG PAMBULIKONG TRANSPORTASYON dito sa Timog Katagalugan ang naparalisa ng welga noong Marso 1 at 30. Pinangunahan ng Southern Tagalog Region Transport Sector Organisation (STARTER), ang panrehiyong alyansa ng iba’t ibang organisasyon sa sektor ng transportasyon, ang welgang ito. Lumahok dito ang iba’t ibang organisasyon at unyon ng mga driver at opereytor ng dyip, traysikel at bus.

Iginiit ng mga lumahok ang pisong dagdag sa minimum na pasahe. Naging sentro ng dalawang araw na pagkilos na ito ang San Pablo City, Calamba City, Sta. Cruz at Los Baños sa Laguna, Lucena City, Batangas City at Dasmariñas, Cavite.

Pandaigdigang araw ng kababaihan, ginunita

PINANGUNAHAN NG GABRIELA-SOUTHERN TAGALOG AT Kilusan ng Manggagawang Kababaihan-Timog Katagalugan (KMK-TK) ang paggunita sa pandaigdigang araw ng kababaihan dito sa rehiyon. Naglunsad ng martsa-rali noong Marso 8 ang may humigit kumulang 300 miyembro ng Gabriela-ST, KMK at iba pang alyadong organisasyon. Nagmula ang martsa sa tsekpoynt sa Brgy. Paciano, Calamba City at tumungo sa Crossing ng naturang lunsod kung saan naglunsad ng tatlong oras na programa. Ipinanawagan ng mga militante ang pakikibaka para sa karapatan, pagkain at disentang buhay para sa mga

bata at kababaihan. Sa partikular, ipinanawagan ng mga miyembro ng KMK ang P125 na *across the board* na pagtataas ng buwanang sahod at pagbasura sa kontraktwalisasyon.

Samantala, nagkaroon ng kahalintulad na pagkilos sa Lucena City. Naglunsad din ang Gabriela ng mga aktibidad na tulad ng *convention* at *forum* sa iba't ibang probinsya ng rehiyon. Iminaksimisa ng militanteng kababaihan ang mahalagang panahong ito sa kasaysayan ng pakikibaka ng sektor upang maghanda sa paglahok sa eleksiyong party-list na gaganapin sa Mayo.

DAGITAB

REBOLUSYUNARYONG LATHALAING PAMPANITIKAN
NG ARTISTA AT MANUNULAT NG SAMBAYANAN-
TIMOG KATAGALUGAN (ARMAS-TK)

Tangkilin ang **Dagitab**

Rebolusyunaryong Lathalaing
Pampanitikan
ng Artista't Manunulat ng
Sambayanan-Timog
Katagalugan (ARMAS-TK)



**"Hindi terorista ang
Bagong Hukbong Bayan.
Ito ang tunay na
hukbo ng
mamamayan."**

RADYO PAKIKIBAKA

Ang Rebolusyunaryong Himpilan
ng Mamamayan sa Timog Katagalugan...


sa 100.7 Mhz FM!

Ugaliing makinig tuwing huling tatlong
araw ng buwan.

MAKABAYAN... MAKATOTOHANAN...

...maari ding makakuha ng kopya ng mga edisyon
ng Radyo Pakikibaka sa CD at casette tape.

sagot sa nakaraang krosword



MILITARISASYON



Pangamba at takot sa kanayuna'y naghahari
Dulot ng militarisasyon at teroristang paghahari
NPA di umano target nilang magapi
Ngunit mga sibilyan ang kanilang inaapi

Iligal na paghahalughog sa mga kabayahan
Pananakit at paghuli sa pinaghihinalaan
Kasunod ay pagpatay sa mga naninindigan
Mga militanteng nagtatanggol ng karapatan

Sa gitna ng komunidad at mga paaralan
Doon itinatayo ang kampo militar
Karapatang mag-organisa sumapi sa samahan
Di kinikilala at sinusupil ng militar

Di makapagsaka sa bukid at umakyat sa bundok
Ang mga magsasaka at katutubong dumagat
Kadalasa'y gutom kahirapang dinaranas
Sa bukid na walang katiwasayan ang militar
ay nagkalat

Biktima ng militarisasyon sa kanayunan ay
lumikas
Tumungo ng lungsod at nagpalipat-lipat
Nagsumbong sa gobyerno sa kalupitang dinaranas
Ngunit walang katugunan sa kanilang paghihirap

Mga biktima ng militarisasyon ay magkaisa
Isanib ang lakas sa sambayanang nakikibaka
Katarungang ipinagkait sa atin at sa masa
Ating matatamo sa ating ganap na paglaya

*Caloy Liwanag
Disyembre 15, 2001
Puerto Galera, Silangang Mindoro*

ARAW NG KABABAIHAN

Ni: Caloy Liwanag

Marso otso pandaigdigang araw ng kababaihan
Nakatala na sa aklat ng kasaysayan
Binabalik aralan ang mga karanasan
Nang kababaiha'y tumindig at nakipaglaban

Karapatan ng kababaihan sinikil, pinagkait
Nang dayong kastila at imperyalismong US
Kababaiha'y nag-aklas at nagkapit-bisig
Karapata'y kinilala ng mga pamahalaang
barges

Kababaihan tunay kang bayani at dakila
Buhay moy inialay sa paglaya ng bansa
Maraming kababaihan nagbuwis nakibaka
Maria, Eden, Gabriela Silang at Milagros Belga

Masakit mang si anak sa ina'y mapawalay
Batid naming pilit ninyong binabaka
Magandang bukas nila'y inyong inihahanda
Lipunang makatao na makatarungan at
malaya

Pagpupugay ngayon sa maraming kababaihan
Kababaihang tumindig, nag-aklas at lumaban
Marami ring tunay na hukbo na kababaihan
Kabahagi sa pagdurog sa estadong papet ng
dayuhan



Si Sgt. Maligalig sa isang operasyon (PART 1)




KROSSWORD

Pahalang

- 2 bayan sa Quezon kung saan isinilang si Ulpiano "Ka Arjay" Anareta, Jr.
- 5 barangay sa Real, Quezon kung saan inilunsad ang magkasabay na reyd sa detatsment ng Phil. Coast Guard at sa isang barko ng Phil. Navy
- 6 Vice Mayor ng Burdeos at pinakatalamak na druglord sa Hilagang Quezon na pinarusahan ng BHB
- 8 pangkalahatang kalihim ng Karapatan-OM pinaslang ng mga elemento ng 204th
- 9 Sityo sa Cabacao, Abra de Ilog, Occidental Mindoro kung saan inambus ng BHB ang mga miyembro ng PPMG
- 10 bayan sa Occidental Mindoro kung saan naglunsad ang AFP ng walang pakundangang operasyong militar noong Enero-Pebrero
- 11 bansa kung saan idinaos ang negosasyon pangkapayapaan noong Pebrero
- 12 Brgy. sa Paluan, Occidental Mindoro na pinakaapektado ng walang pakundangang paglabag ng mga militar sa karapatang-pantao

Pababa

- 1 porsyento ng mga bayan dito sa Timog Katagalugan na nasasaklaw na ng mga sona at larangang
- 3 bayan sa Oriental Mindoro kung saan naglunsad ang BHB ng isang taktikal na opensiba noong Enero 25
- 4 isang kalagayan kung saan ang mga maliliit at nagsasariling pamilyang magsasaka ay natatransporma bilang manggagawang bukid at mala-manggagawa na pangunahing umaasa sa pagbebenta ng lakas-paggawa upang mabuhay



- 7 Vice Mayor ng Naujan, miyembro ng Bayan Muna at tagapangulo ng Provincial Peace and Justice Council